



UMA PIDO KUTS *MIHI MÕTSAST* PIDOLÕ LAULMA!

V Uma Pido tulõ 2. juunil 2018 Võrol Kubijal. Ka seo kõrd saava' pidolõ laulma tulla mehe', kiä parhilla ütegi koori man ütē ei lüü, a tahtva Umal Pido mihihoori laulõ ütē laulda.

Oodami viispidäjit mehi Uma Pido laulõ opma! Ütenkuun opitas är mihihoorõ laulu' ja mihi osa' ütiskoorilaulõn. Noodi perrä laulmisõ mõistminõ olõ-i tähtsä; abis (a mitte eelduses) om egäsugumanõ varatsõmb koorilaulukogõmus. Tulla' võiva' ka segähoorõ ja -ansamblidõ mehe'!

Laulma tulõmisõs om mitu hääd põhjust: Uma Pido laulu' oma väega ilosa'; kodokandi keelen laulda' om mõnus ja ütē mitmõ tuhandõ inemisega om laulupido lava pääl võimsa olla!

LAULULAAGRI' MÕTSAMIHILE 2018

Mõtsamiihi laululaagri' peetäs 2018. aastagal kõrra kuun kooni Uma Pidoni Põlvamaal, Kanepi vallan, **Varbusõ Muusikamõisan**. Miihiväke juhatas Kalev Lindal.

Edimäne laagri **17. veebruaril kell 11.00** (helüpruuv kl 10.00).

Tõõnõ laagri **17. märdsil kell 11.00**

Kaks edespidist kõrda lepitäs ildampa kokko.

Laululaagrihe om vajja ette kirja panda: <https://signup.ymlp.com/xgheebwsgmgeh>

Üte kõrra osavõtmisõ tasu om 5 eurot, ettetellmisõl saa 5 euro iist lõunat süvvä.

Teedüs: Kalev Lindal, tel 5040526, info@varbuse.ee

Juhis paiga pääle jõudmisõs: <http://varbuse.ee/index.html#asukoht>

Egä laulja saa osta paigapääl V Uma Pido noodivihu 5 euro iist!

Nurmõnaasõ, kiä tegutsõsõs sammamuudu nigu *mõtsamehe*', omma joba tuulõ tsiibu sisse saanu ja har'otasõ hoolõga nii Põlvān, Võrol ku Rāpināl!

Rõõmu laulust ja ilosat pidotiid!

9. jaanuaaril 2018

Merike Tigas

Uma Pido projektijuht

Tel 56916280, merike.tigas@wi.ee

www.umapido.ee